



BAHAGIAN PENGUATKUASAAN FARMASI  
PROGRAM PERKHIDMATAN FARMASI  
KEMENTERIAN KESIHATAN MALAYSIA

**PANDUAN PERMOHONAN PERMIT MEMBELI  
DAN MENGGUNA BAHAN PSIKOTROPIK  
(PENGURUSAN HIDUPAN LIAR) DI BAWAH  
PERATURAN-PERATURAN RACUN (BAHAN-  
BAHAN PSIKOTROPIK) 1989**

---

Bahagian Penguatkuasaan Farmasi  
Kementerian Kesihatan Malaysia  
Lot 36 Jalan Universiti,  
46200 Petaling Jaya, Selangor  
Tel: 03-7841 3200  
Faks: 03-7928 2251  
Laman sesawang: <http://www.pharmacy.gov.my>

**1 Jun 2019**

## ISI KANDUNGAN

<b>NO</b>	<b>PERKARA</b>	<b>MUKA SURAT</b>
1.	Pengenalan	3
2.	Objektif	3
3.	Skop	4
4.	Undang-undang yang dikuatkuasakan	4
5.	Terminologi	5
6.	Glosari	5
7.	Permohonan Permit Membeli Dan Mengguna Bahan- Bahan Psikotropik (Pengurusan Hidupan Liar)	6
8.	Perkara-Perkara Yang Perlu Dipatuhi oleh Pemohon Permit Membeli Dan Mengguna Bahan Psikotropik (Pengurusan Hidupan Liar)	8
9.	Tempoh Sah Permit Membeli Dan Mengguna Bahan Psikotropik (Pengurusan Hidupan Liar)	10
10.	Permohonan Pembatalan Permit Membeli Dan Mengguna Bahan Psikotropik (Pengurusan Hidupan Liar)	10
11.	Penutup	13
12.	Rujukan	13

## 1.0 PENGENALAN

- 1.1 Permit Membeli Dan Menggunakan Bahan Psikotropik (Pengurusan Hidupan Liar) dikeluarkan kepada individu yang berhasrat untuk membeli dan mengguna bahan psikotropik untuk tujuan pengurusan hidupan liar.
- 1.2 Panduan ini adalah sebagai rujukan kepada pemohon berkenaan keperluan dan perkara-perkara yang perlu dipatuhi apabila memohon Permit Membeli Dan Menggunakan Bahan Psikotropik (Pengurusan Hidupan Liar).
- 1.3 Keperluan dan perkara-perkara yang perlu dipatuhi adalah berdasarkan kepada undang-undang dan pekeliling-pekeliling yang berkuatkuasa.

## 2.0 OBJEKTIF

Objektif panduan ini dikeluarkan adalah:

- i. Memberi informasi kepada sesiapa yang ingin memohon Permit Membeli Dan Menggunakan Bahan Psikotropik (Pengurusan Hidupan Liar) di bawah Peraturan-Peraturan Racun ( Bahan- Bahan Psikotropik) 1989.
- ii. Membantu pemohon memahami keperluan permohonan dan seterusnya dapat menyediakan dokumen yang lengkap bagi tujuan permohonan Permit Membeli Dan Menggunakan Bahan Psikotropik (Pengurusan Hidupan Liar).

### **3.0 SKOP**

Panduan ini terpakai untuk permohonan Permit Membeli Dan Mengguna Bahan Psikotropik (Pengurusan Hidupan Liar) di bawah Peraturan-Peraturan Racun (Bahan - Bahan Psikotropik) 1989. Terdapat beberapa maklumat yang dinyatakan dalam panduan ini adalah secara am, justeru itu untuk mendapatkan maklumat yang lebih terperinci pemohon boleh merujuk kepada Cawangan Penguatkuasa Farmasi (CPF) Negeri berkaitan atau Bahagian Penguatkuasaan Farmasi (BPF), Kementerian Kesihatan Malaysia (KKM).

### **4.0 UNDANG-UNDANG YANG DIKUATKUASAKAN**

1. Akta Racun 1952 dan peraturan-peraturannya

## 5.0 TERMINOLOGI

TERMINOLOGI	DEFINISI
<b>Bahan Psikotropik</b>	Bahan-bahan yang tersenarai dalam Jadual Ketiga, Akta Racun 1952
<b>Permit Membeli Dan Mengguna Bahan Psikotropik (Pengurusan Hidupan Liar)</b>	Permit di bawah Peraturan 15 Peraturan-Peraturan Racun (Bahan - Bahan Psikotropik) 1989
<b>Pegawai Pelesenan</b>	Individu yang dilantik menjadi Pegawai Pelesenan di bawah Seksyen 26, Akta Racun 1952 oleh Ketua Pengarah Kesihatan.
<b>Permit Kerja</b>	Permit yang dikeluarkan oleh Jabatan Imigresen Malaysia yang membenarkan warganegara asing bekerja dengan organisasi di Malaysia dan warganegara dari semenanjung yang berkerja di Sabah dan Sarawak

## 6.0 GLOSARI

GLOSARI	KETERANGAN
<b>BPF</b>	Bahagian Penguatkuasaan Farmasi
<b>CPF</b>	Cawangan Penguatkuasa Farmasi
<b>KKM</b>	Kementerian Kesihatan Malaysia
<b>PBT</b>	Pihak Berkuasa Tempatan
<b>SSM</b>	Suruhanjaya Syarikat Malaysia
<b>TPKN(F)</b>	Timbalan Pengarah Kesihatan Negeri (Farmasi)

## **7.0 PERMOHONAN PERMIT MEMBELI DAN MENGGUNA BAHAN PSIKOTROPIK (PENGURUSAN HIDUPAN LIAR)**

### **7.1 CARA PERMOHONAN PERMIT MEMBELI DAN MENGGUNA BAHAN PSIKOTROPIK (PENGURUSAN HIDUPAN LIAR)**

7.1.1 Permohonan baharu / pembaharuan / pindaan bagi Permit Bahan Psikotropik (Pengurusan Hidupan Liar) dibuat dengan pemohon mengisi dan melengkapkan '**FORM D**' seperti format yang diwartakan di bawah Peraturan-peraturan Racun (Bahan-bahan Psikotropik) 1989 secara **manual**. Borang ini boleh dimuat turun dan dicetak dari laman sesawang [www.pharmacy.gov.my](http://www.pharmacy.gov.my) atau diperolehi dari pejabat CPF negeri berdekatan.

### **7.2 FI PERMIT MEMBELI DAN MENGGUNA BAHAN PSIKOTROPIK (PENGURUSAN HIDUPAN LIAR)**

7.2.1 Bayaran fi bagi Permit Membeli Dan Menggunakan Bahan Psikotropik (Pengurusan Hidupan Liar) adalah sebanyak RM300.00 dan hendaklah dibuat dalam bentuk "Money Order"/ Wang Pos/ Bank Deraf atas nama: "**PENGARAH KESIHATAN NEGERI.....**" (Masukkan nama negeri di mana permit dimohon).

7.2.2 "Money Order"/ Wang Pos/ Bank Deraf perlu dihantar secara **manual** ke pejabat CPF negeri di mana permit dimohon beserta borang permohonan permit dan dokumen sokongan yang berkaitan.

### **7.3 PEMERIKSAAN PREMIS**

7.3.1 Semua permohonan yang melibatkan premis baharu, pemeriksaan akan dijalankan terlebih dahulu sebelum permohonan diproses.

7.3.2 Pemeriksaan akan dilakukan oleh Pegawai CPF negeri di mana permit dimohon setelah permohonan yang lengkap diterima.

7.3.3 Permohonan akan diproses hanya jika laporan pemeriksaan premis adalah memuaskan.

## 7.4 PENGELUARAN PERMIT


7.4.1 Semua permohonan yang lengkap (termasuk pemeriksaan jika ada) akan diproses dan dinilai dalam tempoh tujuh (7) hari bekerja.

7.4.2 Pemohon akan dimaklumkan mengenai status keputusan permohonan permit.

7.4.3 Sekiranya pemohon tidak dapat hadir sendiri untuk mengambil permit yang telah siap, pengambilan oleh wakil adalah dibenarkan dengan surat kebenaran yang ditandatangani oleh penama dalam permit tersebut.

7.4.4 Kegagalan untuk mengemukakan surat kebenaran akan menyebabkan permit tidak akan diserahkan.

## 7.5 CARTA ALIR PERMOHONAN PERMIT MEMBELI DAN MENGGUNA BAHAN PSIKOTROPIK (PENGURUSAN HIDUPAN LIAR)



## **8.0 PERKARA-PERKARA YANG PERLU DIPATUHI OLEH PEMOHON PERMIT MEMBELI DAN MENGGUNA BAHAN PSIKOTROPIK (PENGURUSAN HIDUPAN LIAR)**

### **8.1 KEPERLUAN AM**

- 8.1.1 Memastikan borang permohonan dan dokumen sokongan **lengkap**. Borang permohonan yang lengkap sahaja akan diterima dan diproses.
- 8.1.2 Membuat bayaran fi Permit Bahan Psikotropik (Pengurusan Hidupan Liar) mengikut prosedur dan amaun yang ditetapkan. **Fi tidak akan dikembalikan selepas pembayaran dan pemrosesan dibuat.**
- 8.1.3 Memastikan premis telah mematuhi semua keperluan yang ditetapkan semasa permohonan dihantar bagi tujuan pemeriksaan.

### **8.2 PEMOHON**

- 8.2.1 Pemohon merupakan warganegara Malaysia / pemastautin tetap di Malaysia.
- 8.2.2 Pemohon adalah orang yang dipertanggungjawabkan dalam tugasnya dalam pengurusan hidupan liar.
- 8.2.2 Dokumen sokongan yang perlu dikemukakan adalah:
  - a) Salinan Kad Pengenalan (MyKad).
  - b) Surat Perlantikan Jawatan dari majikan atau maklumat pemilikan perniagaan daripada SSM jika pemohon adalah pemilik perniagaan.
  - c) Permit Kerja yang dikeluarkan oleh Jabatan Imigresen Malaysia.
  - d) Gambar muka yang jelas dan terkini bersaiz pasport. (Dikemaskini setiap 5 tahun atau bila perlu).
  - e) Pengesahan Pembatalan Permit dari Pegawai Pelesenan / Timbalan Pengarah Kesihatan Negeri (Farmasi) [TPKN(F)] negeri lain (jika berkaitan).

### **8.3 SYARIKAT / PERKONGSIAN LIABILITI TERHAD**

- 8.3.1 Bagi kategori **syarikat**, hendaklah berdaftar dengan SSM dengan mengemukakan dokumen berikut:



- a) Syarikat yang didaftarkan **sebelum 1 Januari 2017:**
    - i. Sijil Penubuhan Syarikat [Borang 9, Seksyen 16(4), Akta Syarikat 1965] (***pemohon baru***)
    - ii. 'Return Giving Particulars Register of Directors, Managers and Secretaries and Changes of Particulars' [Borang 49, Seksyen 141(6), Akta Syarikat 1965] (***pemohon baru***)
    - iii. 'Return of Allotment of Shares' [Borang 24, Seksyen 54(1), Akta Syarikat 1965]
  - b) Syarikat yang didaftarkan **mulai 1 Januari 2017:**
    - i. 'Application of Registration' [Seksyen 14, Akta Syarikat 2016]
    - ii. Sijil Penubuhan Syarikat [Seksyen 17, Akta Syarikat 2016]
    - iii. "Notification of Change in the Register of Directors, Managers and Secretaries" [Seksyen 58, Akta Syarikat 2016]
- 8.3.2 Bagi kategori **Perkongsian Liabiliti Terhad**, hendaklah berdaftar dengan SSM dengan mengemukakan dokumen Perakuan Pendaftaran Perkongsian Liabiliti Terhad.
- 8.3.3 Lesen daripada Pihak Berkuasa Tempatan (PBT) (sekiranya berkaitan).

#### **8.4 PERNIAGAAN**

- 8.4.1 Bagi kategori **perniagaan**, hendaklah berdaftar dengan SSM dengan mengemukakan dokumen Perakuan Pendaftaran Perniagaan (Borang D Kaedah 13), Akta Pendaftaran Perniagaan 1956 yang mengandungi;
- a) Maklumat perniagaan
  - b) Jenis perniagaan
  - c) Maklumat cawangan
  - d) Maklumat pemilik.
- 8.4.2 Lesen daripada Pihak Berkuasa Tempatan (PBT) (sekiranya berkaitan).

## **8.5 PREMIS DAN STOR UNTUK MENYIMPAN BAHAN PSIKOTROPIK**

- 8.5.1 Menyediakan stor penyimpanan mengikut keperluan di bawah Peraturan Racun (Bahan-bahan Psikotropik) 1989 serta keperluan perundangan lain yang berkaitan dengan penstoran bahan psikotropik.
- 8.5.2 Tidak dibenarkan menyimpan bahan psikotropik dalam stor berasingan dari alamat yang dinyatakan dalam Permit.

## **8.6 PENENTUAN KUANTITI BAHAN PSIKOTROPIK**

- 8.6.1 Penentuan kuantiti adalah mengikut pengiraan anggaran penggunaan dari tarikh permohonan sehingga tarikh tamat tempoh kuatkuasa Permit.
- 8.6.2 Pemegang permit boleh memohon untuk kuantiti tambahan jika kuantiti yang telah diluluskan tidak mencukupi dengan mengemukakan justifikasi secara bertulis. Pemeriksaan premis dilakukan oleh pihak CPF negeri bagi mengesahkan keperluan kuantiti tambahan.

## **9.0 TEMPOH SAH PERMIT MEMBELI DAN MENGGUNA BAHAN PSIKOTROPIK (PENGURUSAN HIDUPAN LIAR)**

Tempoh sah Permit Bahan Psikotropik (Pengurusan Hidupan Liar) adalah tidak melebihi 12 bulan dan tamat pada 30 Jun.

## 10.0 PERMOHONAN PEMBATALAN PERMIT MEMBELI DAN MENGGUNA BAHAN PSIKOTROPIK (PENGURUSAN HIDUPAN LIAR)

Pemegang Permit Bahan Psikotropik (Pengurusan Hidupan Liar) boleh memohon untuk membatalkan permit yang dipegang atas sebab-sebab tertentu. Permit asal perlu dikembalikan ke Pejabat Cawangan Penguatkuasa Farmasi yang telah mengeluarkan permit tersebut.

### 10.1 PERMOHONAN PEMBATALAN PERMIT MEMBELI DAN MENGGUNA BAHAN PSIKOTROPIK (PENGURUSAN HIDUPAN LIAR)

10.1.1 Permohonan pembatalan Permit Bahan Psikotropik (Pengurusan Hidupan Liar) boleh dibuat secara **manual (bertulis)** ke pejabat CPF Negeri berkaitan.

10.1.2 Pemohon mengemukakan dokumen-dokumen berikut;


- a) Surat pertukaran / peletakan jawatan (daripada pemegang permit sedia ada).
- b) Surat pengesahan pertukaran / peletakan jawatan / penutupan operasi (daripada majikan).
- c) Surat makluman pertukaran nama atau alamat syarikat/premis (jika berkaitan).

10.1.3 Sekiranya tiada pengganti atau pemegang permit lain, stok Bahan Psikotropik perlu diuruskan terlebih dahulu sebelum pembatalan permit dibuat dengan cara berikut:

- a) Menyediakan inventori Bahan Psikotropik dan mengunci semua kabinet / stor racun, ATAU
- b) Memulangkan semua stok Bahan Psikotropik kepada pembekal, ATAU
- c) Menjual semua stok Bahan Psikotropik hanya kepada satu pemegang permit sahaja dengan kebenaran BPF/CPF, ATAU
- d) Melupuskan stok Bahan Psikotropik dengan disaksikan oleh Pegawai Penguatkuasa Farmasi.

10.1.4 Sekiranya perlu, Pegawai CPF Negeri akan menjalankan pemeriksaan di premis terbabit sebelum permit dibatalkan.

## 10.2 CARTA ALIR PERMOHONAN PEMBATALAN PERMIT MEMBELI DAN MENGGUNA BAHAN PSIKOTROPIK (PENGURUSAN HIDUPAN LIAR)



## **11.0 PENUTUP**

Sebarang pertanyaan lanjut berkaitan permohonan Permit Membeli Dan Menggunakan Bahan Psikotropik (Pengurusan Hidupan Liar) boleh diajukan ke Bahagian Penguatkuasaan Farmasi di ibu pejabat atau ke Cawangan Penguatkuasaan Farmasi di peringkat negeri.

## **12.0 RUJUKAN**

1. Akta Racun 1952
2. Peraturan-Peraturan Racun 1952
3. Peraturan-Peraturan Racun (Bahan - Bahan Psikotropik) 1989